



INSURANCE AGENCY OF  
BOSNIA AND HERZEGOVINA

Broj: 02-164-175-6/20  
Sarajevo, 01.09.2020. god.

Na osnovu člana 87. stav (3) Zakona o javnim nabavkama i člana 90. („Službeni glasnik BiH“, broj 39/14), člana 7. tačka b) Pravilnika o postupku direktnog sporazuma („Službeni glasnik BiH“, broj 90/14), člana 8. tačka b) Pravilnika o postupku direktnog sporazuma u Agenciji za osiguranje u Bosni i Hercegovini broj 02.3-02-2-104-1/15 od 16.03.2015.godine, člana 26. Pravilnika o internim procedurama u postupcima javnih nabavki u Agenciji za osiguranje u BiH broj 02.3-02-2-62-1/17 od 23.03.2017.godina i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini broj 01.1-02-1/06 od 12.10.2006.godine i broj 02.3-02-239-1/15 od 05.08.2015.godine, direktorica Agencije za osiguranje u Bosni i Hercegovini donosi

**ODLUKU**  
**o izboru ponuđača i dodjeli ugovora**  
**u postupku direktnog sporazuma**

1. Prihvata se Izvještaj i preporuka Komisije za nabavke broj 02-16-4-175-5/20 od 31.08.2020. godine, u postupku direktnog sporazuma, te se ugovor dodjeljuje ponuđaču “BBS” d.o.o., Ulica Kranjčevićeva broj 39, Sarajevo, prema prijedlogu cijene/ponudi broj 2020-084 od 27.08.2020.godine sa ponuđenom cijenom od 875,00 KM (bez PDV-a), odnosno 1.023,75 KM (sa PDV-om).

2. Predmet direktnog sporazuma je usluga održavanja/servisiranja i opravke računara, monitora i štampača/uređaja (specifikacija uređaja u prilogu odluke) - šifra iz JRJN 50312000-5, 50313200-4 i 50313100-3.

3. Vrijednost predmeta direktnog sporazuma je 875,00 KM (bez PDV-a).

4. Sa ponuđačem iz tačke 1. ove odluke zaključiće se ugovor.

5. Odluka stupa na snagu danom donošenja.

Objašnjenje

Odlukom Agencije za osiguranje u Bosni i Hercegovini (dalje u tekstu: Agencija) broj 02-16-4-175-2/20 od 25.08.2020.godine pokrenut je postupak javne nabavke putem direktnog sporazuma za uslugu održavanja/servisiranja i opravke računara, monitora i štampača/uređaja. S tim u vezi, na zahtjev Agencije dostavljen je prijedlog cijene/ponude ponuđača “BBS” d.o.o., Ulica Kranjčevićeva broj 39, Sarajevo.

Komisija za nabavke (dalje u tekstu: Komisija) dostavila je direktorici Agencije Izvještaj o provedenom postupku direktnog sporazuma broj 02-16-4-175-5/20 od 31.08.2020. godine. Uvidom u dostavljeni Izvještaj konstatovano je sljedeće.

Agencija je donijela Plan nabavki za 2020. godinu broj 02-16-4-173-1/20 od 24.08.2020.godine. Navedenim Planom za ovu nabavku - usluga održavanja i servisiranja računara, monitora i štampača, utvrđena je procijenjena vrijednost u visini od 2.051,28 KM.

Cijena ponude ponuđača “BBS”, d.o.o., broj 2020-084 od 27.08.2020.godine je 875,00 KM (bez PDV-a) koji iznosi odgovara procijenjenoj vrijednosti predmetne nabavke.

U skladu sa opisanim činjeničnim stanjem odlučeno je kao u dispozitivu Odluke.

Dostaviti:

1. “BBS”, d.o.o.
2. a/a

